

W-53


Sheng ^{shi} ~~sh~~ ^{ti} yao


The important facts in sacred
history. (R.E.) 1860

聖
史
提
要

冊全

378





天主降生一千八百六十年

聖史提要

咸豐歲次庚申冬季 鑄

掌院修士固彌乙 敬譯

神子 鐵欄提乙 訂

神子 尼儼他 校對

摩伊些乙

訓蒙 聖史提要

萬物源流 首章



人所見天地萬物不是自己有的是天主造成的天主之能無限不似人作工必須材料其造天地萬物只一命就成造天地萬物之次序如左

第一日主命有天地就有天地但此時天地未分全是黑暗主命有光就有光亮

第二日主命天地分開天地就各安其位

第三日主命地上之水與土分開就有江河湖海山邱平地地上又有草木花果

聖史提要

第四日主命有日月星就有日月星

第五日主命水生鱗介氣生飛鳥水中就有游魚諸物空中就有飛鳥各種

第六日主命地生走獸就有馬牛犬羊及狼虎等物諸物造完就造一人用土製人身嘘面賦以靈魂其身就活且能明理主命其名曰阿達木後造一女名耶瓦配與阿達木為妻此二人名為元祖因古今所有之人皆其後嗣也

造人以後主不復造物至今惟保護所造之萬物為人可以享受

元祖享福 二章

主愛元祖二人預備一極美之地名爲地堂給元祖爲住處所有地上之物全交元祖主管且地堂中所
有之果品菜蔬全任元祖享用惟一樹之果不許吃
因人吃則必死元祖居地堂享福無盡凡所用之物
皆是現成不勞己力且萬物皆聽元祖之命况主常
常不離其心默示奧妙之理因聖寵充滿其靈形致
身不穿衣亦可以不恥

元祖悖命 三章

魔鬼見元祖在地堂享福心生嫉妬附於蛇身引誘

聖史提要

二

元祖悖天主命遂問耶瓦爲何不吃此果答曰此果
不可吃天主說過人吃此果就死魔鬼窺耶瓦之意
聽主命不是愛主是怕死也慰之曰不怕死不了人
吃此果享福似主主怕你們享大福故哄你們吃則
必死元祖二人不加謹慎信彼謊言摘一果食之

元祖被逐 四章

元祖一吃此果就失靈形之聖寵想主至公心覺不
安又見己赤身露體甚覺羞愧遂藏在樹林取樹葉
爲衣以遮體時主至叫阿達

木問以因何悖命

阿達

木

推以耶瓦給食耶瓦又推以魔鬼引誘主因

彼此推托不承認罪遂逐二人出地堂而念元祖二人犯罪皆因魔鬼之故未逐之先許以救世者來贖此罪言完乃給皮衣兩件每人各穿其一逐出地堂焉

原罪毒染 五章

元祖出地堂後主命其獻祭以表恭敬主並望主佑之誠及生二子長名喀英性魯而務農次名阿葒利性良善而牧羊亦常有所獻于天主然喀英慳吝獻不以美物天主不喜其獻阿葒利誠實獻以肥美之羊天主愛之是以喀英嫉其弟誘于野而殺之忽覺

聖史提要

三

其罪重大失望主宥率家屬而避于遠方焉

人衆敗規 六章

自喀英去後主憐元祖孤寂又賜一子名西 福 其性慕善欽崇天主所生子嗣亦皆良善中有一人名耶諾 合 因有大德未死而升天阿達 木 壽九百三十而終此三子之外復有甚多子女皆遵守結約不與喀英族聯姻其後人丁蕃盛西 福 之後嗣不慎亦與喀英族聯姻漸皆失規卒至惟諾 乙 一家謹守規矩焉天主見人怙惡不悛遂定發洪水以絕其罪之流

洪水罰人 七章

天主罰人不遽加罰寬以百二十年之期屢使諾乙勸人改悔警以洪水之罰人終不信且耻笑之主命諾乙造一大船上下三層安置人畜及所需之物船既造成百二十年之期亦滿天主遂命諾乙一家及牲畜登舟大雨忽降四旬不止徧滿大地過高山丈餘人物全沒矣惟存諾乙一船人物之性命

慢親失寵 八章

諾乙一家在船將及二百日水始見消露出山頂船遂依山頂迨地乾主命下船乃率眷屬至平地遂立祭臺以謝天主主卽降福其家並許以後永不發洪

聖史提要

四

水矣後諾乙耕種田畝耕種之暇種葡萄于園及熟飲其汁而醉眠時露體其子哈木因孫哈那昂稟告往見而耻笑之且告于兄伊阿斐特及西木伊二人素孝聞之不敢正視以衣蔽其親體迨諾乙寤知之謂哈木及其季子哈那昂曰汝等不堪者汝之子孫將爲汝兄後嗣之奴矣遂降福于西木及伊阿斐特焉諾乙于洪水後在世三百五十年而終

分言散居 九章

諾乙子嗣先皆同居後因人多地窄不便耕牧天主令其散居以便耕牧衆不從議造一塔爲遠去耕牧

者望而知歸天主遂使衆言忽異彼此不辨語音塔
工遂止衆亦散居于各方焉

大祖遷居 十章

散居之後各成一國漸忘真主或拜形天諸物或信
偶像邪神惟西木族中發攔一家知敬真主亦將失
正道因其以造偶像爲業故主命發攔之幼子

阿烏攔阿木離此地他往曰如遵命賜爾美地子孫
衆多並將來救世者亦生在爾後嗣中阿烏攔阿木
卽率其妻薩攔姪羅特起程至哈那昂之地主告曰
此吾賜爾之地也阿烏攔阿木見其地肥美遂立祭

聖史提要

五

臺以祭感謝主恩卽居於此地焉

叔姪析居 十一章

遷居之始阿烏攔阿木與羅特共居年旣久因牲畜
甚多地不足養僕役每爭競不和叔姪因之有隙

阿烏攔阿木遂與羅特商量析居之策以全恩誼所
有之地任羅特自擇羅特愛莎多木之地肥美遂遷
于彼城大祖乃移于合烏攔焉

大祖宴主 十二章

阿烏攔阿木甚富不自享用樂施於人一日帳外聞
坐見三人行時正炎熱乃請三人棲于樹陰自乃入

帳命妻備食命僕宰犢並備果品親身奉事此三人
乃主與天神大祖不知迨食時主問爾妻薩擲何在
答曰帳內主曰來年此時爾妻生子薩擲聞之而笑
因從未生產且夫婦皆老也主曰薩擲何笑主全能
也薩擲赧然出帳對客曰無有笑者主曰吾誠知爾
笑迨生子宜名伊薩阿克譯言笑也大祖乃知客非常人
因能洞悉隱微也飯畢天神往莎多木降罰主乃與
大祖言及其事大祖祈主因彼處善人免罰主許以
有十善人不滅其城

罪城被罰 十三章

聖史提要

六

天神至莎多木日將暮時羅特坐於城門見有外鄉
人至請宿於家備食以款夜間天神告曰因此城人
罪重主使吾等來罰爾宜出城避之天將明天神率
羅特閭家出城囑曰宜登山勿回顧日出行至一小
城時火自天降莎多木國摩擲等城人物全燬其地
至今化爲斥鹵之池彼時羅特之妻聞背後聲震悖
誠回顧立死而變鹽人矣

得子獻祭 十四章

至明年薩擲果如主言生子遂名伊薩阿克迨長性
極良善愛主愛人無不誠實且事其父母亦極孝順

故大祖甚愛之主欲試大祖之信德命以此愛子獻祭大祖雖愛其子因有主命絕無吝惜猶疑遂攜其子往祭伊薩阿克不知其意自負柴薪隨其父往至一山頂大祖向伊薩阿克曰主命以爾獻祭伊薩阿克甘從其命大祖遂縛之置於祭臺迨將殺天神止之曰勿殺主已鑒爾聽命之誠如享祭矣大祖遂止隨見棘林中有一山羊取之代子以獻于主焉

爲子擇配 十五章

獻祭之後年未久薩孛卽死大祖覺已年老命一僕聖史提要

七

往畔莎坡他密亞于本族中爲伊薩阿克擇配僕遵命往至其城宿于大祖宗派五福伊勤之家求其女名彌葦喀爲婚其家咸願允之僕遂獻其聘儀迨彌葦喀至婿家大祖與其子行婚配禮壽享百七十五歲而終

降福其子 十六章

成婚配後夫妻和睦主賜其孿生二子一名伊薩烏性暴戾父愛之一名亞适烏性良善母愛之後伊薩阿克年老目昏欲傳長子位于伊薩烏命其行獵備饌母聞之乃想伊薩烏不守規矩不宜降福遂

設計備饌命亞适烏冒伊薩烏名以進誣其父降福
伊薩阿克誤以為伊薩烏遂降福授長子位焉

避害聯姻 十七章

伊薩烏回家知弟已誣其父降福誓以後必殺之其
母知言于其父命亞适烏往舅氏拉望家避害且求
舅氏之女為妻亞适烏遂行至中途天晚無旅舍宿
于曠野時主賜其神夢以顯保護之恩永不相離數
日後始至舅家助其舅牧羊後約以牧羊七年娶舅
氏之女利為妻迨期滿舅氏以長女利亞妻之
亞适烏問故拉望曰無先妹後姐之禮爾欲娶

聖史提要

八

擲餉利七日後亦配爾但須仍牧羊七年亞适烏允
之娶利後伊甚寵愛奈其久不生產迨利亞已
有子十人利始生長子伊沃西福焉

回家繼業 十八章

二次約期亦滿亞适烏仍為舅氏牧羊拉望告曰以
後所生羊羔白色屬我雜色屬爾以當工價迨後所
生羊羔雜色者甚多亞适烏遂富後攜其眷屬及牲
貲歸家至伊沃爾當河時遣人送信于兄其兄亦欣
喜來迎亞适烏恐兄前怨未消遂分人畜為二隊先
擇美物遣人獻于其兄自攜餘物家屬後行日將出

見其兄來身先迎拜前怨盡釋言畢作別亞适烏往哈那昂見父途間擲利又生一子名希尼阿明因產而亡時伊阿薩克年老與亞适烏相處未久壽百有十歲而終

諸兄賣弟 十九章

亞适烏十二子中甚愛伊沃西福因其謹慎聽命也諸兄嫉之一日耕于田其父母命伊沃西福與諸兄送食諸兄見而欲害之幸有外國旅人從此經過諸兄賣于旅人留其表衣殺羊用血染之送告父曰此非伊沃西福之衣乎將毋被獸吞食矣諸兄嫉

聖史提要

九

伊沃西福之心從此大快

因禍得福 二十章

伊沃西福賣與外國白人視之苦至極矣然誠實之人主必保佑至外國後旅人轉賣與彼國之大將軍將軍因國事甚多又見伊沃西福誠實凡大小事全託伊掌管如是其苦變為樂矣乃為時未久受大將軍之妻所誣大將軍不察聽信妻言下伊沃西福于獄然人誣無妨無辜被害主必護之在獄二載有餘時其君偶得二夢無人能解聞伊沃西福解夢曾驗召之至詳述夢況彼解之曰此後必有連七年豐收

隨又連七年不收君宜選明臣于前七年中備後七年之食君喜此解合理遂命其爲顯臣備倉廩以積糧米焉主賜誠實人之樂何如

合家移居 二十一章

伊沃西福勤理其政于豐收之年多備糧米充滿倉廩迨荒年至發賣時哈那昂地亦不收亞适烏聞

耶憐撒特賣糧遣子往糴伊沃西福預先有言凡外

國來糴者必親見問話其衆兄來糴時伊沃西福正

可報前日之仇乃反禮待其兄並奏明君求准其父

及閻家同來此處居住君允後衆兄歸亞迨烏聞之

聖史提要

十

遂攜閻家移于耶憐撒特國焉

人衆致難 二十二章

亞适烏率閻家來至耶憐撒特國可謂享福之時其

君待之甚善凡家中所用亦不須勞心皆是現成奈

亞适烏及其子相繼而亡後人丁蕃盛則享福之景

况遂變君已屢換因不知伊沃西福之功惟恐人多

生亂設計滅之遂令其族負苦冀其受苦而人數可

減乃人愈勞苦而愈多後又囑咐收生婆凡其族生

男設法害之當此之時列微族生一子未告收生婆

後恐人知盛筐浮于河幸遇公主在河沐浴見之惻

然且喜其美收爲己子覓乳母養之迨稍長進宮命名摩伊些乙譯言水所生也

逃遁外國 二十三章

摩伊些乙在宮四十年有師教訓文武之藝皆精閭朝愛敬之然其心欲與本族受苦不欲同外族享福一日見外族欺壓本族遂挈本族殺其外族之人埋於沙土後恐發擲翁譯言國君治罪遂逃行至瑪底阿木地住于司祭伊沃佛爾之家身任牧事心常祈主免其本族之苦如是四十年一日牧羊于深山忽見棘中有火光焰物少燃時甚久心疑之往視聞火中有

聖史提要

十一

聲呼摩伊些乙命其率衆出耶幣撒特國以免受苦摩伊些乙畏懼不敢任此大事且恐人不信主命其所執之杖擲地杖化爲蛇命近取之復化爲杖又命其藏手于懷出視白如癘疾復藏之出視如舊主命以此二奇蹟示衆衆必信矣摩伊些乙復辭以口訥不善言主命傳旨于其兄阿阿爾轉示于衆

摩伊些乙遂歸

救衆出國 二十四章

摩伊些乙在伊沃佛爾家會招爲婿今承主命辭岳父攜妻子起程至本族所居之地同其兄見族長及

衆傳宣主旨行二奇蹟衆皆甚喜感謝主恩焉奈見發攔翁告以主旨發攔翁不信摩伊些乙顯二奇蹟彼仍不允出國主命摩伊些乙另顯許多奇蹟以示責罰蓋不認主之人心無定見患時暫允愈仍不從己而主命摩伊些乙告君曰因爾食言今夜罰爾通國人之長子及牲之首胎皆死是夜天主命

摩阿些乙預備行裝每家各宰一羊羔全體燒食用血抹戶爲主罰其國時見戶有血者免也至暮其族人閉戶不出共食晚餐名爲葩斯哈譯言過去迨至

半夜果如摩伊些乙所言人性之首胎皆死發攔翁

聖史提要

十二

之長子亦然君覺果應所言遂召摩伊些乙請其率衆出國並不容其少留一刻也如是本族之衆免爲奴役矣

過海奇蹟 二十五章

主命摩伊些乙率衆往紅海有雲前導晝則庇廕夜則燭光如是安至紅海奈未渡時發攔翁後悔率兵來追衆見甚恐有祈主者有怨摩伊些乙者

摩伊些乙無奈惟祈主佑主命以杖擊海自有路能行摩伊些乙如命擊之海水果分成路衆人遂往發攔翁見衆皆過命軍急追時雷雨並至阻止其軍

衆兵請回君不允時主命摩伊些乙用杖擊水立時
復合發攔翁之軍在後皆渰死矣摩伊些乙與衆齊
聲讚主並作歌詠以感恩焉

授誠示罰 二十六章

既至西奈山摩伊些乙安衆于山下自乃登山嚴齋
四十日主授以二石板上刻十誠奈衆人不見
摩伊些乙因無事久居心中覺悶欲急往福地向
阿阿爾曰爾弟何往吾等不知今欲前行爾可造一
神以引路阿阿爾恐違衆生亂命衆持金物來乃以
之造一金牛衆卽拜之爲主天主欲罰之將其故告

聖史提要

十三

摩伊些乙摩伊些乙祈主免罰自乃下山至營見衆
果拜金牛大怒擲石板于地而破遂毀金牛乃告衆
曰凡敬主者隨我出營言畢乃出列微之族皆隨之
他族隨者亦多摩伊些乙告不隨者曰明日爾等在
營內者爲聽命次日至營見在營外者皆殺是日受
罰者不少也

重整法律 二十七章

摩伊些乙復登山與主共處四十日主復授以十誠
石板並定堂內國家諸規神品次序且命造一行路
聖堂式樣極其美善復作一聖櫃以藏石板及法律

之册工完阿阿爾穿祭衣獻祭告成時雲自天降覆
護聖堂所獻犧牲有火自燔衆見此奇蹟明知聖人
所定之規矩非出人意見皆是主之聖旨遂同心讚
美感謝天主甘願守主誠命焉

曠野奇蹟 二十八章

奈衆聽命之心不誠屢怨摩伊些乙及主初因所食
不美怨摩伊些乙攜之出國主賜每晨天降白粒如
霜名芒那味極美人人合意暫且不怨又因渴生怨
摩伊些乙祈主主命以杖擊石一擊自有泉湧

摩伊些乙如命用杖連擊水自石出衆皆得飲復因
聖史提要

十四

欲食肉菜生怨摩伊些乙祈禱主命風吹來鶴鶉成
羣到處皆滿每人至少得十餘擔奈衆因貪食過飽
遂生火病死者甚多後又因水米缺乏生怨主罰之
忽有許多毒蛇傷人衆懼改悔前罪求摩伊些乙代
祈主命立一高竿上懸銅蛇倚信德仰望銅蛇即可
免害時被傷者遵之皆得愈矣

臨福地界 二十九章

將至福地摩伊些乙遣那嫩及哈列鳥等十二人先
往探視後那嫩哈列鳥二人回報言福地豐美其十
人回報言彼處弗佳且人强悍吾等難勝衆聞之皆

憂復怨摩伊些乙于是共議另推首領仍回舊國主怒欲立罰此眾摩伊些乙祈主赦免主允其求暫免眾立死然此等欲入福地不能也須仍居曠野迨此等皆死其子孫乃入福地如是眾回曠野游行四十年迨歸福地界前怨主者皆死時摩伊些乙百二十歲主命其立那嫩爲首領自乃登山遙望福地而終因擊石時違主命罰以不得入福地也摩伊些乙遵命且于眾人種種垂訓言畢登山而終

渡河奇蹟 三十一章

摩伊些乙之喪畢主命那嫩率眾往福地那嫩遣二

聖史提要

十五

人探視之及至耶爾鴻城宿于店中其王知之命人來拿店主藏之言彼二人已他往捕者遂去店主祈此二人至攻城時務救其閤家二人允之遂歸告於那嫩次日那嫩命司祭等抬聖櫃前行眾民後隨至伊沃爾當河司祭等足始入水上流止如壁下流卽逝抬聖櫃者遂止于河中俟眾過取河中石立碑于岸以記此聖蹟畢乃登岸焉

繞城奇蹟 三十一章

天主命那嫩率眾攻城舉聖櫃前行繞城六日每日六次至第七日繞城七次其城自破那嫩從之果如

所命至入城時除店主一家其餘之人盡殺焉那嫩得城後爲表感謝之心許以城中所有寶物全獻于主衆皆樂從奈衆中有一盜主物而自用者主怒異日又攻一小城主不助佑軍大敗死者三十餘人那嫩知係主罰祈主明示其故主告以隱物不獻之故後拈鬪得其人遂刑其閭家並焚其贖物焉主復助佑如初

得地均分 三十二章

自此以後衆皆謹守誠命遂連勝數城不過十數年哈那昂之地將盡爲那嫩所有矣于是那嫩同司祭聖史提要
首分福地與衆族仍遵摩伊些乙之遺命不分與列微之族乃于各族中共出四十八城爲伊等所居且囑衆哈那昂之地未獲者務攻取之壽至百十餘歲而終

諸理訟時 三十三章

那嫩死後衆尙謹守規誠迨後日見放蕩至每得一城不殺仇敵乃收其人以當奴僕且被外教女誘之崇奉邪神主怒許外國來侵奈苦時向主求其救護主從其衆中選有才能者以救其爲奴之苦命伊等爲理訟官安慰衆心奈苦去衆仍忘主不遵誠命主

復罰之以苦如是者共有四百餘年諸理訟中最顯名者惟薩木松因其力超越衆人爭戰之時惟恃己力得勝不藉兵戈也有時行路途遇一獅欲噬已薩木松徒手劈之又有千人來害伊力敵千人且盡殺之如是之勇頗能保護衆人故伊任理訟官四十餘年外國不敢來攻也

求子獻主 三十四章

理訟官有一名伊利乙者職司祭居西羅木城因聖櫃行堂置此城內衆民獻祭必須來此有德士同其妻遠來瞻禮妻名昂那因從未生產甚憂今上堂祈

聖史提要

十七

主賜孕心發熱愛致面有紅色時伊利乙疑其醉酒責斥之婦曰心憂使然非醉也吾祈主賜孕伊利乙降福曰爾歸主允爾求矣至明年果生子名

薩木伊勒始離懷抱卽送至西羅木堂中獻子于主後主又賜其三子二女焉

任理訟事 三十五章

薩木伊勒在堂習誦經典日月既久年長學業亦成時有外國來征擄去聖櫃伊利乙聞兵敗子死遂仆地而亡薩木伊勒乃繼其任復與外國交戰收回聖櫃彼任理訟時人皆愛敬及老欲傳位于子衆民不

悅因其子不肖乃父也于是共議求其立君

薩木伊勒聞之弗安天主慰曰立君無妨明朝首至

營者卽是時有一士名薩屋勒失驢三日尋訪未獲

因此至營來問薩木伊勒遂傳聖油攜之告衆曰此

卽爾之君也衆心未定薩屋勒歸家後因外國來困

邊界小城薩屋勒率人救之衆心始定皆願戴其爲

君矣

始立爲君三十六章

薩屋勒始爲君治民甚善後因其子勇而勝敵遂生

驕傲一日征伐外國主命盡滅其人畜彼乃殺人留

聖史提要

十六

牛羊以祭主使薩木伊勒勸之彼仍不知改悔主遂

收回聖寵另選德士名達微德以嗣其位達微德時

雖年幼而德成力大彼時有外國來征將士甚勇口

出謗言無人敢敵達微德因其兄在營來營送飯見

敵人侮慢遂生義怒求君准其攻敵乃執杖握石恃

主佑與勇將對敵戰時以石傷勇將之額勇將仆地

達微德乘此機會卽取勇將所佩之刀以斬其首大

獲全勝焉

聖王嗣位三十七章

薩屋勒見達微德勝敵甚喜奏凱同歸路上聞有讚

美達微德之勇勝于薩屋勒者心生嫉妬恐人服
達微德而慢已遂欲加害達微德因躲避而未死後
見君定欲害已乃逃于外國至薩屋勒與此國征戰
身死始遵主命而歸眾夙慕達微德之智勇遂尊其
為君矣

因誤致亂 三十八章

達微德為君屢戰屢勝所得之地選耶爾薩利木為
京城內蓋宮殿自己居住復立小堂暫藏聖積重訂
摩伊些乙規矩俟後欲立大堂先問主旨主告曰爾
為征戰之人不宜成此盛事因此堂工終止聖王所

聖史提要

十九

行皆善後偶有瑕疵因不謹慎復犯大罪據他人之
妻為己有故招主怒之罰致其子叛亂暫奪其位且
欲殺害達微德誠認己過甘受主罰主因此真心改
悔復還其位後聖王謹慎治國甚善將終時立世子
莎羅孟為君付以蓋堂工資木料及諸禮儀規矩皆
注于冊焉

智君安國 三十九章

聖王終莎羅孟嗣位無怠無荒務求國泰民安一夜
夢中主顯現謂曰凡爾所求吾悉賜焉對曰吾年幼
未明國政祈主賜吾才智以理政事主喜其求復曰

爾能效爾父遵吾誠命爾壽愈增矣後莎羅孟將其父所遺之材料用本國外國許多匠人蓋崇高大堂以獻於主又修造許多城垣整理國家律例外國聞之皆遠來瞻仰惜其因人尊敬漸生傲心且娶外教之女爲妃未加謹慎隨之拜邪而忘主誠命也

國分二統 四十章

主遣先知勸莎羅孟改悔彼改悔之心不誠主復警曰按爾所爲理宜奪國因念爾父之德俟爾死後必分爾國之半與人迨莎羅孟終其子繭倭阿木嗣位時西合木城人求君減其賦稅君未允有許多人不能

聖史提要

三十

悅乃約十族皆叛從其中選一人名伊耶繭倭阿木共願奉其爲君惟伊屋達希尼阿明二族人仍奉繭倭阿木爲君如是國分爲二其十族之國稱爲伊斯繭伊利此二族之國乃稱爲伊屋疊亞焉

十支國蹟 四十一章

伊耶繭倭阿木得國後恐十族之民往耶繭薩利木瞻禮不返乃鑄二金牛立于南北二邊界之城令人拜之爲主主遣先知警戒之彼仍不改因此故遂失其位與命嗣其位者皆效其不善至阿哈烏崇邪之俗尤盛主會警以大旱至三年之久迨先知伊利亞

祈主始降甘霖彼亦不知改悔故卒爲敵人所傷後嗣位者亦如此君皆不敬真主主使衆先知警醒並賜多恩原冀君或畏罰或感恩棄邪認主奈伊等終未改悔故罰以外國來困被擄者甚多君亦在內

伊斯擲伊利國遂滅矣事在降生前七百二十二年

托微特蹟 四十二章

伊斯擲伊利人被擄于外國內有一人名托微特恭敬真主喜濟貧窮尤憐其族人無辜被君害棄屍于野故每見死者必親葬之君聞之怒鈔其家產

托微特乃藏于友家仍暗行其葬死之事惜其一日

聖史提要

三一

葬死身倦卧于牆陰睜目仰視塵灰迷之目不能見年紀已老家業亦無不能顧養妻子遂祈主賜之速死乃召其子托微乙告以家務之事言昔日有外方親戚會借多金立下借字今可持之去收此金天主喜其功德令天神作旅人狀與其子作伴二人起程行至河濱見一大魚天神命托微乙取之斷其肉作行路之糧且取其肝膽包裹之留爲後用迨至一城天神告曰此處有爾戚名擲固伊勒伊有一女名薩擲爾可求其爲妻托微乙言薩擲夙嫁七次其夫皆死于初昏吾恐亦然吾死吾父母誰事之天神慰

曰無妨可將所獲魚之肝焚于室並專賴祈禱之功
主必救護迨至攔固伊^勒家托微^乙遂娶之果如天
神所言至備婚筵時天神代其取金取回婚筵亦畢
遂同托微^乙及薩攔歸家將至家天神命托微^乙前
行入門先謝主後將所獲魚之膽傳父目托微^乙如
命行之其父之目果明矣閻家甚喜其父子至此時
仍未知作伴之人爲天神今欲謝以多金酬其往來
護助之恩天神曰吾非人乃天主使令者也天主因
爾好行哀矜等德故遣吾爲爾子作行路之伴事畢
吾卽復命矣言畢不見夫誠德之人受苦亦常事若

聖史提要

三

能忍耐至終主必賜以多恩托微^特自勿謹守教規

雖陷于諸苦而能忍受之故蒙主厚恩也豈不樂乎

二支國蹟 四十三章

前言國分爲二其十支之國分後卽惑於邪此二支
之國分後仍恭敬真主故十支之國內有恭敬主者
亦來歸之君民皆享安福奈其君虔誠之心始勤終
怠後亦背主祀邪主罰以外國來侵君民見此苦難
咸知改悔主許以暫不滅國罰之其君被擄爲外國
之奴嗣其位者多效其不善惟第三四君及第十三
十六君誠心敬主國遂無失而此四君之中第十三

君敬主尤倍故敵國來侵伊祈主護救主罰敵人自
死于營中後伊有病將死祈主賜壽主允使先知傳
宣主旨伊聞之初未信恐人安慰先知因主名命日
影退回十度以證其言皆出主旨日影如命此日較
往日天長半日君信果如先知所言君愈後復在世
十五年除此四君外或先善後惡或始終奉邪故常
陷于危難已而於降生前五百八十八年亦被擄于
外國此二支之國比十支之國地隘人稀而賴有此
欽崇真主之四君故較伊斯攔伊利國多存百餘年
焉虔誠遵命之人主前最貴于此可見矣

聖史提要

三

諸位先知 四十四章

世人有罪天主不肯輕棄故往往以恩勸勉以罰警
醒使人知非改過如分國以後主遣許多先知曰
伊沃那沃西亞阿摩斯伊沃伊利伊薩伊亞密黑
那屋木阿瓦庫木阿烏底乙莎佛尼亞伊耶彌密亞
達尼伊勒耶捷餽伊利阿聯乙匝哈彌亞瑪拉恰亞
等各按其時顯諸奇蹟警醒衆人爲其改悔並預言
救世者之事以安慰有信德者之心復因有不信其
言者主命先知等將所言紀載之於書爲後人見事
事皆應自信先知之預言非出己意也

被擄使敬 四十五章

主以被擄罰其國者一則警國人怠惰之心二則致外國知別有眞主被擄中有一少年名達尼伊^勒因堅守教規不隨邪俗君命人投之于獅窀主保護之卒未受傷異時君造偶像令人皆拜達尼伊^勒有三友不隨邪俗惟拜眞主君怒令人投之于烈火中天神護之在火中逍遙自在絲毫未損外教見此諸蹟皆讚揚達尼伊^勒等所敬之主也

虔誠得榮 四十六章

國君見達尼伊^勒誠實德行及理政之能超越衆人

聖史提要

三

故國家大事命伊掌管大小臣宰皆貴重之世間榮耀莫大于此也然比天主賞伊之榮耀猶有限量主賜聖人能言未來及知人隱秘之事以報其虔誠敬主之心一日爲衆禱主求免爲奴之苦天主遣天神安慰之且示以將來救世者降生之定期焉

被擄回國 四十七章

被擄之前先知伊耶彌密亞曾言伊屋疊亞國因不遵主命罰爲外國之奴七十載又先知伊薩伊亞預言放回爲奴者之君名饒爾等語至伊屋疊亞末君之孫時被擄將及七十年外國之君名饒爾始登基

卽下旨令伊屋疊亞國及其合族之人在此爲奴者皆隨意回國並賜盤費及蓋堂之木料金銀有不欲歸者仍留之如是爲奴之苦始脫而先知等之預言亦驗矣然達尼伊^勤仍留于外國因其在彼總理國政外國之君信任之故不欲其回國也

遺族遭害

四十八章

衆回國之後其留於外國者一時忽遭毒害因彼國有一寵臣名阿芒性最傲命衆拜伊如君本族人有名瑪爾多黑者亦在朝爲臣不從其傲命阿芒懷恨遂欲滅其合族幸瑪爾多黑有一姪女在宮爲后然

聖史提要

三五

其爲伊屋疊亞人衆皆不知今因阿芒欲害族人其叔父致信告之令伊在君前求救伊遂哀求君召阿芒進宮赴宴君允之次日阿芒進宮君問皇后之意后曰妃乃伊屋疊亞人今聞阿芒欲滅本族乞君救免君愛其后且因瑪爾多黑素有除奸保君之功遂徇皇后之意將阿芒縊死于刑架焉如是族人之害乃脫免矣

重整堂城

四十九章

衆回至本國先立祭臺獻祭俟材料皆備始興蓋堂之二時薩瑪彌亞異門之人欲來挈助衆不允

薩瑪欄亞人嫉之遂賄囑官阻止堂工直至

撒爾西亞國第四君時乃能興工二十年告成堂工
大勢雖完城牆尙未修補時撒爾西亞國都城中有

一司祭名厄澤德擲品學兼優且有權勢亦係本族

人前未同眾同國今領君賜供用堂費之金銀來此
後又有一司酒名涅耶密亞請君命暫同本國二人

至京後盡心竭力莊飾聖堂修補城牆並定堂中規
矩諸工皆畢遂集眾人同心感謝主恩焉

訂集古經 五十五章

古經者自摩伊些乙起至主降生止其間所有之經
聖史提要

卷乃主藉先知之口與手以傳留于世者也內含生

人以來至降生時之事並諸預言為人見此經明主
謀人救贖之恩而心知避惡趨善也此古經在先皆

分傳于世至國亂時幾於淪亡厄澤德擲恐後失傳

遂將所有古經竭力尋訪隨得卽付人鈔之共集爲
一部且自記其當時之事蹟

立此大功獨力難成幸有司酒涅耶密亞挈助財力
成此盛事且自立書室以藏書復設學校令人讀之

以爲永傳不朽後耶儲撒特國君聞有此書遣人求

之並請能繙譯之人同往將古經伊屋疊亞文繙成

格彌齊亞文因伊屋疊亞文能明白者少格彌齊亞
文人人皆明此繙譯後聖經之傳更無失矣

外國謀併 五十一章

厄澤德擲與涅耶密亞在世之時凡有大事國君皆

與之商酌上下內外故平安無事迨二人死後國家
大事仍商酌于司祭首而任其事者或謀名或謀利
不能如彼二人之無私心故國內大啟爭端乘此亂
時耶懶撒特國率兵來侵擄去人民十萬及堂中宮
中珍寶貴重之物主以此苦難罰人罪過使人警醒
改過遷善奈人仍怙惡不悛是以後來西欄亞之君
聖史提要

三七

來占此地衆民與之爲奴焉

謀滅聖教 五十二章

西欄亞君得國之後見此地敬主與彼風俗不同欲
使彼此一律故親身至堂將聖像聖物棄之而共彼
邪神勒令此地人拜敬有不從其命者從嚴治罪如
耶列阿匝爾年已九十因不嘗祀邪肉以牛筋鞭打
死又有一婦同其七子亦不從拜邪之命君令或割
其舌或剝其皮或斷其手或刖其足或置蒸籠蒸之
冀其畏刑悖主無如其母子甯死不從其令皆甘心
致命而終焉

虔誠救國 五十三章

西欄亞君在京城令衆拜邪復遣人往各城勸衆故
衆中不欲從其令又恐伊等治罪者遂逃至曠野
日久人多勢以強盛內有一人名伊屋達號瑪喀未
者率衆與西欄亞君對敵時值西欄亞本國有變君
回本國耶彌薩利木京城付人掌管瑪喀未乘此機
會遂奪回京城拆毀邪神重整聖教規矩衆愛其虔
誠功德將國家之事交伊掌管伊死後伊弟任其事
衆因其兄弟辦理無失國事之權遂爲伊家世職矣

夷人爲君 五十四章

聖史提要

三八

瑪喀未朝代百五十年平安無事後鄰近諸國常來
擾亂因思自己之力難勝遂與彌瑪約以盟好如有
鄰國來侵彼此相助自盟之後伊屋疊亞國有事
彌瑪率兵來救不止一回迨彌有事瑪喀未屢次坐
視不去相挈彌瑪之君遂怒勝敵後率兵至

伊屋疊亞與瑪喀未索取在先挈助彼國兵餉之費
瑪喀未不能還故彌瑪國將伊屋疊亞之賦稅賣與
外國商人又恐伊屋疊亞不與商人賦稅且生叛亂
故設立總領以理其事迨彌瑪國之君名

阿烏固斯特德登基之時此商人子名伊彌德往賀

繻瑪君喜遂許伊繻德以君稱之此君管國四十年
至後三年時伊伊斯降生矣在昔大祖亞烏適
曾有預言謂直至西亞普世所望者至君皆
伊屋達之後裔今伊繻德外國異族人爲君天主降
生則大祖之預言全應驗矣

聖教形勢 五十五章


主降生之時聖教極其危殆因回國以後人知在先
被擄係不守規矩之罰今欲竭力遵規以免後罰奈
人見識淺小予不必拘守者而固執守之迨時日既
久遂以訛傳訛故生許多異門其當時最有名者乃

聖史提要

三九

發繻些乙與薩督乙發繻些乙專講外貌不重心
潔然其可取者猶信常生薩督乙其所重者不過
生前之榮名而能明聖教正理者甚少當此聖教危
殆之際使非主設法拯之正理之傳不將泯沒乎

聖史提要終



LMS

39